

L E B H I T I C U S.

thidh i 'na gràinealachd, agus an t-anam a dh'itheas dhith giùlainidh e aingidheachd.

19 Agus an fheoil a bheanas re *mi* sam bith neo-ghlan, cha'n ithear i, loisgear i le teine: agus a thaobh na feòla, gach neach a bhios glan, ithidh e dhith.

20 Ach an t-anam a dh'itheas do fheoil iobairt nan tabhartas-sìth, a *bhuineas* do'n Tighearna, agus a neo-ghloine air, gearrar eadhon an t-anam sin as o shluagh.

21 Agus an t-anam a bheanas re *mi* sam bith neo-ghlan, re neo-ghloine duine, no re ainmhidh neo-ghlan, no re gràinealachd neo-ghloin sam bith, agus a dh'itheas do fheoil iobairt nan tabhartas-sìth a *bhuineas* do'n Tighearna, sgathar eadhon an t-anam sin as o shluagh ^a.

22 Agus labhair an Tighearna re Maois ag ràdh,

23 Labhair re cloinn Israeil, ag ràdh, Saill sam bith daimh, no caorach, no gaibhre, cha 'n ith sibh.

24 Agus feudar faill ainmhidh a gheibh bàs leis féin ^b, agus faill an ainmhidh sin a reubar le fiadh-bheathaichibh, a ghnàthachadh gu feum sam bith eile; ach cha'n ith sibh idir dhith:

25 Oir ge b'e dh'itheas faill o'n ainmhidh sin d'an d'thoir daoine seachad iobairt a loisgear le teine do'n Tighearna, gearrar eadhon an t-anam sin a dh'itheas *dhith* as o shluagh.

26 Agus cha'n ith sibh gnè sam bith fola, ma's ann do eun-
aibh no do ainmhidh, ann an aon air bith d'ar n-àiteachaibh-còmh-
nidh

27 Gach anam a dh'itheas gnè sam bith fola, gearrar eadhon an t-anam sin as o shluagh.

28 Agus labhair an Tighearna re Maois, ag ràdh,

29 Labhair re cloinn Israeil, ag ràdh, Efan a bheir seachad iobairt a thabhartasan-sìth do'n Tighearna, bheir e leis a thabhartas a dh'ionnsuidh an Tighearna, do iobairt a thabhartas-an-sìth.

30 Bheir a làmban féin leo tabhartasan an Tighearna a bheir ear suas le teine, an t-faill maille ris an uchd, fo bheir e leis, a chum gu'n luaisgear an t-uchd *mar* thabhartas-luaisgte 'an lathair an Tighearna.

31 Agus loisgidh an sagart an t-faill air an altair: ach bithidh an t-uchd le Aaron agus le mhic.

32 Agus an flinnean deas bheir sibh do'n t-sagart *mar* thabhartas-togta, do iobairtibh blur tabhartasan-sìth.

33 Aige-san do mhic Aaron a bheir suas fuil nan tabhartas-sìth, agus an t-faill, bithidh an flinnean deas *mar a* chuibh-rionn.

34 Oir ghabh mi an t-uchd luaisgte agus an flinnean togta o chloinn Israeil, do iobairtibh an tabhartasan-sìth, agus thug mi iad do Aaron an sagart, agus d'a mhic le reachd sìorruidh o mheasg chloinn Israeil.

35 *Is e* fo *cuibh-rionn* ungaidh a chuid mac, do tabhartasaibh an Tighearna a bheir ear suas le teine, 'san là anns an d'thug e a lathair iad a fhrithealadh do'n Tighearna ann an dreuchd an t-sagairt: